

ХУВИЙН НЭМЭЛТ ТЭТГЭВРИЙН ТУХАЙ ХУУЛИЙН ТӨСЛИЙН ТАЛААРХ ЗАРЧМЫН ЗӨРҮҮТЭЙ САНАЛЫН ТОМЬЁОЛОЛ

Нэг. Нийгмийн бодлогын байнгын хорооны дэмжсэн санал:

1. Монгол Улсын Засгийн газраас өргөн мэдүүлсэн Хувийн нэмэлт тэтгэврийн тухай хуулийн төслийг суурь болгож, Улсын Их Хурлын гишүүн Н.Учрал нараас өргөн мэдүүлсэн хуулийн төслийг нэгтгэх.

Санал гаргасан: Улсын Их Хурлын гишүүн П.Анужин, Ж.Батжаргал, С.Ганбаатар Т.Доржханд, Ц.Идэрбат, Б.Жаргалмаа, Ц.Мөнх-Оргил, М.Оюунчимэг, Ц.Сандаг-Очир, Б.Саранчимэг, Ц.Туваан, С.Чинзориг /Цаашид “Ажлын хэсэг” гэх/

2. Төслийн 1 дүгээр зүйлийн 1.1 дэх хэсгийн “хөтөлбөр хэрэгжүүлэх” гэсний дараах “хувийн нэмэлт тэтгэврийн” гэснийг хасаж, “талуудын” гэсний өмнө “оролцогч” гэж нэмэх.

Санал гаргасан: Ажлын хэсэг

3. Төслийн 2 дугаар зүйлийн 2.1 дэх хэсгийн “хууль тогтоомжоос” гэснийг “хууль тогтоомжийн бусад актаас” гэж өөрчлөх.

Санал гаргасан: Ажлын хэсэг

4. Төслийн 4 дүгээр зүйлийн 4.2 дахь хэсгийн “даатгалд хамрагдсан” гэснийг “даатгалын санд шимтгэл төлж, даатгуулсан” гэж өөрчлөх.

Санал гаргасан: Ажлын хэсэг

5. Төслийн 5 дугаар зүйлийн 5.1.6 дахь заалтын “31.1.3-т заасан урт хугацааны даатгал эрхэлж буй этгээдийг” гэснийг “4.1.2-т заасан даатгалын үйл ажиллагаа эрхлэх тусгай зөвшөөрөл авсан урт хугацааны даатгал эрхэлж байгаа компанийг” гэж, 5.1.10 дахь заалтын “хөрөнгө эзэмших” гэснийг “хөрөнгө өмчлөх” гэж тус тус өөрчилж, мөн зүйлийн 5.1.16 дахь заалтын “бүрэн” гэснийг болон 5.1.17, 5.1.18 дахь заалтыг төслөөс тус тус хасаж, 5.1.21 дэх заалтыг доор дурдсанаар өөрчлөн найруулах:

“5.1.21. “хөрөнгө оруулалтын менежментийн компани” гэж Үнэт цаасны зах зээлийн тухай хуулийн 4.1.33-т заасан этгээдийг;”

Санал гаргасан: Ажлын хэсэг

6. Төслийн 6 дугаар зүйлийн гарчигийн “үйл ажиллагаа” гэснийг “түүнийг” гэж, 6.3 дахь хэсгийн “хөтөлбөрийн үйл ажиллагааг” гэснийг “хөтөлбөрийг” гэж тус тус өөрчлөх.

Санал гаргасан:Ажлын хэсэг

7.Төслийн 7 дугаар зүйлийн 7.3 дахь хэсгийн “хүртэл хувь хүний” гэсний өмнө “нэмэлт тэтгэврийн хөрөнгийг зарцуулж дуусах” гэж нэмэх.

Санал гаргасан:Ажлын хэсэг

8.Төслийн 8 дугаар зүйлийн 8.3 дахь хэсгийн “тогтоолгохоор хөдөлмөрийн гэрээ дуусгавар болгох” гэснийг “тогтоолгох” гэж өөрчилж, “хүртэл ажил олгогчийн” гэсний өмнө “нэмэлт тэтгэврийн хөрөнгийг зарцуулж дуусах” гэж нэмэх.

Санал гаргасан:Ажлын хэсэг

9.Төслийн 9 дүгээр зүйлийн 9.4 дэх хэсгийн “мөнгөн дүн ба төлөх” гэсний дараах “давтамж,” гэснийг хасах.

Санал гаргасан:Ажлын хэсэг

10.Төслийн 10 дугаар зүйлийн 10.3 дахь хэсгийн “шимтгэл төлөх” гэснийг дараах “давтамж,” гэснийг хасаж, 10.4 дэх хэсгийн “хамрагдсан ажилтны” гэсний дараа “сард” гэж нэмэх.

Санал гаргасан:Ажлын хэсэг

11.Төслийн 11 дүгээр зүйлийн 11.5, 11.6 дахь хэсгийн “сар бүр тооцож,” гэсний дараа “хагас жил тутамд” гэж, 11.7 дахь хэсгийн “Баталгаат өгөөжийн” гэсний дараа “жилийн” гэж нэмж, “Төв банкны” гэснийг “Төв банк /Монголбанк/-ны” гэж /цаашид тохиолдол бүрд/ өөрчлөх.

Санал гаргасан:Ажлын хэсэг

12.Төслийн 13 дугаар зүйлийн 13.3 дахь хэсгийн “энэ хуулийн 13.1-д” гэсний өмнө “эрх залгамжлагч, өвлөгч” гэж нэмэх.

Санал гаргасан:Ажлын хэсэг

13.Төслийн 14 дүгээр зүйлийн 14.1 дэх хэсгийн “хөтөлбөрийн үйл ажиллагаа” гэснийг “хөтөлбөрийг” гэж, 14.3 дахь хэсгийн “санд төвлөрүүлсэн хөрөнгийн хэмжээг” гэснийг “санд төвлөрүүлсэн нэмэлт тэтгэврийн хөрөнгийн хэмжээ, төлбөрийн чадварын эрсдэлийг” гэж тус тус өөрчилж, 14.7.5 дахь заалтын “зүйл” гэснийг болон 14.7.2 дахь заалтыг тус тус хасаж, 14.2 дахь хэсэгт доор дурдсан агуулгатай 14.2.6 дахь заалт нэмэх:

“14.2.6.Хорооноос тогтоосон тохиромжтой этгээдийн шалгуурыг хангасан байх.”

Санал гаргасан:Ажлын хэсэг

14.Төслийн 15 дугаар зүйлийн гарчгийн “сангийн удирдах зөвлөл” гэснийг “сангийн төлөөлөн удирдах зөвлөл, бусад эрх бүхий албан тушаалтан” гэж, 15.6 дахь хэсгийн “гүйцэтгэх удирдлага, холбогдох этгээд” гэснийг “бусад эрх бүхий албан

тушаалтан” гэж, 15.9.7 дахь заалтын “үйл ажиллагааг эрхлэх” гэснийг “бүртгэлийн” гэж тус тус өөрчлөх.

Санал гаргасан:Ажлын хэсэг

15.Төслийн 16 дугаар зүйлийн гарчгийн “олгох” гэсний дараах “, нэмэлт тэтгэврийн хөтөлбөрийг бүртгэх эрх бүхий этгээд” гэснийг хасах.

Санал гаргасан:Ажлын хэсэг

16.Төслийн 17 дугаар зүйлийн гарчгийн “зөвшөөрөл олгох үйл ажиллагаа” гэснийг “зөвшөөрөл олгох, түдгэлзүүлэх, сэргээх, хүчингүй болгох” гэж, 17.3 дахь хэсгийн “45 хоногийн” гэснийг “21 өдрийн” гэж, 17.4 дэх хэсгийн “баримт бичиг, мэдээллийг” гэснийг “мэдээлэл, баримт бичиг, тодруулга, тайлбар” гэж, “60 хоногийн” гэснийг “45 өдрийн” гэж тус тус өөрчилж, 17.5.4 дэх заалтыг “худал, төөрөгдүүлсэн, алдаатай, эсхүл хоорондоо зөрүүтэй мэдээлэл тусгасан.” гэж өөрчлөн найруулж, 17.1 дэх хэсгийн “Хороонд” гэсний дараа “цаасан, эсхүл цахим хэлбэрээр” гэж нэмж, 17.1.7 дахь заалтыг хасаж, 17.3 дахь хэсгийн “ирүүлэхийг шаардах,” гэсний дараа “тодруулга, тайлбар авах” гэж нэмж, 17.6 дахь хэсгийн “хүсэлт гаргагчид” гэсний дараа “Зөвшөөрлийн тухай хуулийн 5.2 дугаар зүйлийн 10 дахь хэсэгт заасан хугацаанд” гэж, мөн зүйлд доор дурдсан агуулгатай 17.8, 17.9, 17.10, 17.11, 17.12, 17.13, 17.14, 17.15 дахь хэсэг тус тус нэмэх:

“17.8.Хороо дараах тохиолдолд гишүүн, эрх залгамжлагч, өвлөгчийн эрх, ашиг сонирхлыг хамгаалах зорилгоор хувийн тэтгэврийн сангийн тусгай зөвшөөрлийг түдгэлзүүлнэ:

17.8.1.эрх бүхий байгууллагаас өгсөн үүрэг даалгаврыг 2 ба түүнээс дээш удаа зөрчсөн;

17.8.2.баталгаат өгөөж, эсхүл баталгаат өгөөжөөс давсан гэрээгээр тохирсон дүнг төлөөгүй;

17.8.3.хуульд заасан хугацаанд тайланг ирүүлээгүй, эсхүл худал, зөрүүтэй тайлагнасан;

17.8.4.нэмэлт тэтгэврийн хөтөлбөрийн хөрөнгө оруулалтын үйл ажиллагааг холбогдох хууль тогтоомжийн дагуу явуулаагүй зөрчил илэрсэн.

17.9.энэ хуулийн 17.8-д заасан үндэслэл байгаа тухай Хороо тогтоосноос хойш хувийн тэтгэврийн сан, кастодиан болон хөрөнгө оруулалтын менежментийн компанид ажлын 5 өдрийн дотор албан бичгээр болон цахимаар мэдэгдэнэ.

17.10.Хувийн тэтгэврийн сан энэ хуулийн 17.9-д заасан мэдэгдлийг хүлээж авснаас хойш ажлын 10 өдрийн дотор хариу тайлбарыг Хороонд хүргүүлнэ.

17.11.Хороо энэ хуулийн 17.10-д заасан тайлбарыг үндэслэлтэй гэж үзсэн тохиолдолд тусгай зөвшөөрлийг түдгэлзүүлэхгүй тухай албан бичгийг ажлын таван өдрийн дотор хувийн тэтгэврийн санд хүргүүлнэ.

17.12.Хороо энэ хуулийн 17.10-д заасан тайлбарыг үндэслэлгүй гэж үзсэн, эсхүл тайлбар ирүүлээгүй бол тусгай зөвшөөрлийг 3 сар хүртэл хугацаагаар түдгэлзүүлэх шийдвэр гаргаж, тусгай зөвшөөрлийг түдгэлзүүлсэн тухай шийдвэрийн талаар хувийн тэтгэврийн сан, харьяалах татварын алба, кастодиан, хөрөнгө оруулалтын менежментийн компанид ажлын хоёр өдрийн дотор бичгээр эсхүл цахимаар мэдэгдэнэ.

17.13.Энэ хуулийн 17.8-д заасан үндэслэл арилсан тохиолдолд Хороо хувийн тэтгэврийн сангийн хүсэлтийг үндэслэн тусгай зөвшөөрлийг сэргээнэ.

17.14.Хороо дараах тохиолдолд хувийн тэтгэврийн сангийн тусгай зөвшөөрлийг хүчингүй болгоно:

17.14.1.хувийн тэтгэврийн сан энэ хуулийн 5.1.7-д заасан гишүүн болон Хороонд хувийн тэтгэврийн сангийн үйл ажиллагааг дуусгавар болгохоос ажлын 90 өдрийн өмнө бичгээр, эсхүл цахимаар мэдэгдсэн;

17.14.2.нэмэлт тэтгэврийн бүх хөтөлбөр Хорооны бүртгэлээс хасагдсан;

17.14.3.энэ хууль болон бусад хууль тогтоомжоор хориглосон үйл ажиллагаа эрхэлсэн;

17.14.4.зөвшөөрлийг түдгэлзүүлсэн хугацаанд зөрчлөө арилгаж, зөвшөөрлийг сэргээлгэх тухай хүсэлтийг ирүүлээгүй;

17.14.5.Зөвшөөрлийн тухай хуульд заасан бусад.

17.15.Хувийн тэтгэврийн сангийн үйл ажиллагаа эрхлэх тусгай зөвшөөрөлд тавигдах нөхцөл шаардлагыг тогтоосон журмыг Хороо батална.”

Санал гаргасан:Ажлын хэсэг

17.Төслийн 18 дугаар зүйлийн 18.1 дэх хэсгийн “Хороонд” гэсний дараа “цаасан, эсхүл цахим хэлбэрээр” гэж нэмж, 18.1.3 дахь заалтын “гэрээний санал” гэснийг “гэрээ” гэж, 18.2 дахь хэсгийн “30 хоногийн” гэснийг “20 өдрийн” гэж тус тус өөрчилж, 18.1.4 дэх заалтын “, бусад баримт бичгийн загвар” гэснийг болон 18.1.5 дахь заалтыг тус тус хасах.

Санал гаргасан:Ажлын хэсэг

18.Төслийн 19 дүгээр зүйлийн гарчиг болон 19.1 дэх хэсгийн “хөтөлбөрийн үйл ажиллагаа” гэснийг “хөтөлбөрийг” гэж өөрчилж, 19.2 дахь хэсгийн “, Даатгалын мэргэжлийн оролцогчийн тухай хууль” гэснийг хасах.

Санал гаргасан:Ажлын хэсэг

19.Төслийн 20 дугаар зүйлийг доор дурдсанаар өөрчлөн найруулах:

“20 дугаар зүйл.Нэмэлт тэтгэврийн хөтөлбөрийг түдгэлзүүлэх, сэргээх, бүртгэлээс хасах

20.1.Хороо дараах тохиолдолд нэмэлт тэтгэврийн хөтөлбөрийг түдгэлзүүлнэ:

20.1.1.баталгаат өгөөж, эсхүл баталгаат өгөөжөөс давсан гэрээгээр тохирсон дүнг төлөөгүй;

20.1.2.энэ хуулийн 23 дугаар зүйлд заасан маркетинг болон зар сурталчилгааны шаардлагыг зөрчсөн;

20.1.3.нэмэлт тэтгэврийн хөтөлбөрийн хөрөнгө оруулалтын үйл ажиллагааг холбогдох хууль тогтоомжийн дагуу явуулаагүй зөрчил илэрсэн.

20.2.Энэ хуулийн 20.1-д заасан үндэслэл байгаа тухай Хороо тогтоосноос хойш хувийн тэтгэврийн сан, урт хугацааны даатгагч, кастодиан болон хөрөнгө оруулалтын менежментийн компанид ажлын таван өдрийн дотор албан бичгээр мэдэгдэнэ.

20.3.Хувийн тэтгэврийн сан, урт хугацааны даатгагч энэ хуулийн 20.2-т заасан мэдэгдлийг хүлээж авснаас хойш ажлын 10 өдрийн дотор хариу тайлбарыг Хороонд хүргүүлнэ.

20.4.Хороо энэ хуулийн 20.3-т заасан тайлбарыг үндэслэлтэй гэж үзсэн тохиолдолд нэмэлт тэтгэврийн хөтөлбөрийг түдгэлзүүлэхгүй тухай албан бичгийг ажлын таван өдрийн дотор хувийн тэтгэврийн сан, урт хугацааны даатгагчид хүргүүлнэ.

20.5.Хороо энэ хуулийн 20.3-т заасан тайлбарыг үндэслэлгүй гэж үзсэн, эсхүл тайлбар ирүүлээгүй бол хувийн нэмэлт тэтгэврийн хөтөлбөрийг нэг сар хүртэл хугацаагаар түдгэлзүүлэх шийдвэр гаргаж, хувийн тэтгэврийн сан, урт хугацааны даатгагч, кастодиан болон хөрөнгө оруулалтын менежментийн компанид ажлын хоёр өдрийн дотор бичгээр эсхүл цахимаар мэдэгдэнэ.

20.6.Энэ хуулийн 20.1-д заасан үндэслэл арилсан тохиолдолд Хороо хувийн тэтгэврийн сан, урт хугацааны даатгагчийн хүсэлтийг үндэслэн хувийн нэмэлт тэтгэврийн хөтөлбөрийн бүртгэлийг сэргээнэ.

20.7.Энэ хуулийн 20.1-д заасан үндэслэлийг хувийн тэтгэврийн сан, урт хугацааны даатгагч хуульд заасан хугацаанд залруулаагүй тохиолдолд Хороо хувийн нэмэлт тэтгэврийн хөтөлбөрийг бүртгэлээс хасна.

20.8.Энэ хуулийн 17.12-т заасан шийдвэр гарсан бол хувийн нэмэлт тэтгэврийн хөтөлбөрийг түдгэлзүүлэх үндэслэл болно.

20.9.Нэмэлт тэтгэврийн хөтөлбөрийг бүртгэх, түдгэлзүүлэх, сэргээх, бүртгэлээс хасахтай холбоотой харилцааг зохицуулсан журмыг Хороо батална.”

Санал гаргасан:Ажлын хэсэг

20.Төслийн 21 дүгээр зүйлийн гарчгийн “дуусгавар болгох” гэснийг “хүчингүй болгох, бүртгэлээс хасах” гэж, 21.3.1 дэх заалтын “тайлан тэнцлийг” гэснийг “санхүүгийн тайлан” гэж, 21.3.4 дэх заалтын “саналд” гэснийг “шийдвэрт” гэж тус тус өөрчилж, 21.3.2 дахь заалтын “тэтгэврийн хөтөлбөрт” гэсний дараа “нэмэлт тэтгэврийн нэрийн” гэж, 21.3.5 дахь заалтын “тэтгэврийн хөтөлбөрийн” гэсний дараа “зарим” гэж тус тус нэмж, мөн зүйлийн 21.1, 21.2, 21.3.3 дахь заалтыг доор дурдсанаар өөрчлөн найруулах:

“21.1.Тусгай зөвшөөрөл, нэмэлт тэтгэврийн хөтөлбөрийн бүртгэлийг Хороо түдгэлзүүлсэн, хүчингүй болгосон, бүртгэлээс хассан мэдэгдлийг хувийн тэтгэврийн сан, урт хугацааны даатгагч нь хүлээн авснаас хойш шимтгэл авах, гишүүн шинээр элсүүлэхийг хориглоно.

21.2.Хороо энэ хуулийн 21.1-д заасан мэдэгдлийг кастодиан, хөрөнгө оруулалтын менежментийн компанид мэдэгдэж, нэмэлт тэтгэврийн хөрөнгийн шилжүүлгийг нэн даруй зогсооно.

21.3.3.хувийн тэтгэврийн сан, урт хугацааны даатгагчийн үйл ажиллагаа, нэмэлт тэтгэврийн хөрөнгийн үнэлгээг хараат бус, хөндлөнгийн үнэлгээний байгууллагаар хийлгэх;”

Санал гаргасан:Ажлын хэсэг

21.Төслийн 21 дүгээр зүйлд доор дурдсан агуулгатай 21.3.4 дэх заалт, 21.5, 21.6, 21.7 дахь хэсэг тус тус нэмэх:

“21.3.4.гишүүдийн хадгалагдсан эрхийн бүх төлбөрийг бүрэн барагдуулах хөрөнгө хүрэлцэхгүй тохиолдолд, хувийн тэтгэврийн сан, урт хугацааны даатгагч өөрийн хөрөнгөөр барагдуулах тухай хүсэлтийг санхүүгийн тайлангийн хамт Хороонд хүргүүлж, энэ тухай бүх гишүүдэд мэдэгдэх;

21.5.Тусгай зөвшөөрөл, нэмэлт тэтгэврийн хөтөлбөрийн бүртгэлийг Хороо түдгэлзүүлсэн, хүчингүй болгосон, бүртгэлээс хассан тохиолдолд хувийн тэтгэврийн сан, урт хугацааны даатгагч нь энэ хуулийн 21.3-д заасан арга хэмжээ авна.

21.6.Урт хугацааны даатгагчийн эрхэлж буй нэмэлт тэтгэврийн хөтөлбөрийн бүртгэлийг хассан тохиолдолд энэ хуулийн 22.1-22.11-д заасан арга хэмжээг авна.

21.7.Хувийн тэтгэврийн сан, урт хугацааны даатгагчийн тусгай зөвшөөрөл, нэмэлт тэтгэврийн хөтөлбөрийг түдгэлзүүлсэн, хүчингүй болгосон, бүртгэлээс хассаны дараа авч хэрэгжүүлэх үйл ажиллагааг зохицуулах журмыг Хороо батална.”

Санал гаргасан:Ажлын хэсэг

22.Төслийн 22 дугаар зүйлийн 22.1 дэх хэсгийн “тэтгэврийн сан, урт хугацааны даатгагчийн” гэснийг “тэтгэврийн сангийн” гэж, “дуусгавар болгосон” гэснийг “бүртгэлээс хассан” гэж, 22.3 дахь хэсгийн “өмчлөгч болно” гэснийг “өмчлөгч байна”

гэж, 22.4 дэх хэсгийн “зөвшөөрөл авсны дагуу” гэснийг “зөвшөөрөл авсны үндсэн дээр” гэж, 22.5 дахь хэсгийн “биечлэн мэдэгдэл хүргүүлнэ” гэснийг “цахимаар хүргүүлж биечлэн уулзалт зохион байгуулна.” гэж, 22.6 дахь хэсгийн “тэтгэврийн сан, урт хугацааны даатгагчаас” гэснийг “тэтгэврийн сангаас” гэж, 22.6.2, 22.7 дахь хэсгийн “тэтгэврийн сан, урт хугацааны даатгагчийн” гэснийг “тэтгэврийн сангийн” гэж, 22.12 дахь хэсгийн “дүрэм, төлбөр барагдуулах журмыг” гэснийг “дүрмийг” гэж тус тус өөрчилж, 22.5 дахь хэсгийн “30 хоногийн өмнө” гэсний дараа “мэдэгдлийг” гэж, 22.6.2 дахь заалтын “цалин хөлс,” гэсний дараа “төлөгдөөгүй” гэж, мөн зүйлд “Энэ хуулийн 22.6-д заасан өр төлбөр барагдуулах журмыг Хороо батална.” гэсэн 22.13 дахь хэсэг тус тус нэмж, 22.6.1, 22.10 дахь хэсгийн “бүх” гэснийг, 22.4, 22.10, 22.11, дэх хэсгийн “урт хугацааны даатгагч,” гэснийг, 22.10 дахь хэсгийн “хуваарилах төлөвлөгөө” гэсний өмнөх “гишүүдэд” гэснийг тус тус хасаж, мөн зүйлийн 22.2 дахь хэсгийг доор дурдсанаар өөрчлөн найруулах:

“22.2.Энэ хуулийн 22.1-д заасан комиссын бүрэлдэхүүнд дараах этгээдийг томилохгүй.

22.1.1.хувийн тэтгэврийн сангийн удирдах зөвлөлийн гишүүн;

22.1.2.хувийн тэтгэврийн сангийн бусад эрх бүхий албан тушаалтан;

22.1.3.хөрөнгө оруулалтын менежментийн компанийн удирдлага;

22.1.4.хөрөнгө оруулалтын менежментийн компанийн эрх бүхий албан тушаалтан;

22.1.5.Хорооноос тогтоосон болон бусад холбогдох этгээд.”

Санал гаргасан:Ажлын хэсэг

23.Төслийн 23 дугаар зүйлийн 23.1 дэх хэсгийн “бүх” гэснийг хасаж, 23.3 дахь хэсгийн “удирдамжийг” гэснийг “журмыг” гэж, 23.4 дэх хэсгийн “үнэн зөв бус,” гэснийг “худал,” гэж тус тус өөрчлөх.

Санал гаргасан:Ажлын хэсэг

24.Төслийн 24 дүгээр зүйлийн 24.5 дахь хэсгийн “олон улсын зээлжих зэрэглэл тогтоож буй байгууллагаас гаргасан үнэлгээний ангилалд үндэслэн” гэснийг “Хороо” гэж өөрчлөх.

Санал гаргасан:Ажлын хэсэг

25.Төслийн 26 дугаар зүйлийн 26.1.1 дэх заалтын “шаардлагыг хангах” гэсний дараа “хөрөнгө оруулалтын” гэж, 26.2 дахь хэсгийн “Бодлогод оруулсан нэмэлт, өөрчлөлтийг” гэсний дараа “Хороо болон” гэж тус тус нэмж, 26.1.2 дахь заалтыг доор дурдсанаар өөрчлөн найруулах:

“26.1.2.Хорооноос тогтоосон нэмэлт тэтгэврийн хөрөнгөөр хөрөнгө оруулалт хийх хөрөнгийн төрөл, дээд хязгаар, тухайн хөрөнгийн ангилал бүрийн нэг этгээд, эсхүл хэд хэдэн этгээдэд хөрөнгө оруулалт хийх дээд хязгаар;”

Санал гаргасан:Ажлын хэсэг

26.Төслийн 27 дугаар зүйлийн 27.1.1 дэх заалтын “авагдаагүй” гэснийг “аваагүй,” гэж, 27.3 дахь хэсгийн “үнэт цаасанд” гэснийг “үнэт цаас, банкны хадгаламж, хадгаламжийн сертификатад” гэж тус тус өөрчилж, 27.3 дахь хэсгийн “Засгийн газраас гаргасан үнэт цаасанд хөрөнгө оруулахад хязгаар тогтоохгүй.” гэснийг хасах.

Санал гаргасан:Ажлын хэсэг

27.Төслийн 28 дугаар зүйлийн 28.2 дахь хэсгийн “хөрөнгөөр аливаа” гэснийг “хөрөнгөөр бүх” гэж өөрчилж, 28.1.1, 28.1.2, 28.1.3, 28.1.4, 28.1.7 дахь заалтыг тус тус хасах.

Санал гаргасан:Ажлын хэсэг

28.Төслийн 30 дугаар зүйлд “Нэмэлт тэтгэврийн хөрөнгийг кастодианы хөрөнгөөс тусгаарласан байна.” гэсэн 30.8 дахь хэсэг нэмж, 30.4 дэх хэсгийг доор дурдсанаар өөрчлөн найруулах:

“30.4.Кастодиан нь нэгээс дээш тооны хувийн тэтгэврийн сан, урт хугацааны даатгагчид кастодиан үйлчилгээ үзүүлж болно. Энэ тохиолдолд нэмэлт тэтгэврийн хөтөлбөр бүрийн хөрөнгө, үйл ажиллагаа, бүртгэл мэдээллийг тус тусад бүртгэнэ.”

Санал гаргасан:Ажлын хэсэг

29. Төслийн 31 дүгээр зүйлийн 31.1.2 дахь заалтыг доор дурдсанаар өөрчлөн найруулах:

“31.1.2.хөрөнгө оруулалтын менежментийн компани, хувийн тэтгэврийн сан, урт хугацааны даатгагч, тэдгээрийн нөлөө бүхий хувьцаа эзэмшигч холбогдох этгээд байх;”

Санал гаргасан:Ажлын хэсэг

30.Төслийн 32 дугаар зүйлийн 32.1 дэх хэсгийг доор дурдсанаар өөрчлөн найруулж, 32.1.3 дахь заалтыг төслөөс хасах:

“32.1.Кастодианы гэрээнд Хөрөнгө оруулалтын сангийн тухай хуулийн 50.1-д зааснаас гадна доор дурдсан зүйлийг тусгана:”

Санал гаргасан:Ажлын хэсэг

31.Төслийн 33 дугаар зүйлийн 33.1 дэх хэсгийн “ноцтой” гэснийг хасаж, 33.1.1 дэх заалтын “мэдэгдлийг” гэснийг “мэдэгдлийг ажлын хоёр өдрийн дотор хүргүүлж” гэж, 33.1.2 дахь заалтын “яаралтай” гэснийг “ажлын хоёр өдрийн дотор” гэж, 33.3 дахь хэсгийн “ноцтой доголдлын” гэснийг “доголдол үүссэн” гэж тус тус өөрчилж, 33.2 дахь хэсгийг доор дурдсанаар өөрчлөн найруулах:

“33.2.Хувийн тэтгэврийн сан, урт хугацааны даатгагч энэ хуулийн 33.1.1, 33.1.2-т заасан хугацаанд арга хэмжээг яаралтай аваагүй тохиолдолд Хорооноос кастодианыг өөрчлөхийг даалгана.”

Санал гаргасан:Ажлын хэсэг

32.Төслийн 34 дүгээр зүйлийн 34.4 дэх хэсгийн “Үнэт цаасны зах зээлийн тухай хуулийн 40 дүгээр зүйлд” гэснийг “Хөрөнгө оруулалтын сангийн тухай хуулийн 44.8, 47.2-т” гэж өөрчилж, 34.9 дэх хэсгийг доор дурдсанаар өөрчлөн найруулах:

“34.9.Хороо нэмэлт тэтгэврийн хөрөнгийг удирдах харилцааг зохицуулсан журмыг батална.”

Санал гаргасан:Ажлын хэсэг

33.Төслийн 35 дугаар зүйлд “сүүлийн нэг жилээс доошгүй хугацаанд сангийн хөрөнгийг холбогдох хууль тогтоомжид заасны дагуу удирдсан байх.” гэсэн 35.1.3 дахь заалт нэмж, 35.2 дахь хэсгийг доор дурдсанаар өөрчлөн найруулах:

“35.2.Хөрөнгө оруулалтын менежментийн компани нь кастодиан, нөлөө бүхий хувьцаа эзэмшигч, тэдгээрийн холбогдох этгээд, ажил олгогчийн нэмэлт тэтгэврийн хөтөлбөрийн хувьд ажил олгогчид зээл олгох, тэдгээрээс зээл авахыг хориглоно.”

Санал гаргасан:Ажлын хэсэг

34.Төслийн 36 дугаар 36.1 дэх хэсгийн “дараах агуулгыг” гэснийг “доор дурдсан зүйлийг” гэж, 36.2 дахь хэсгийн “Хөрөнгө оруулалтын менежментийн” гэснийг “Энэ хуулийн 36.1-д заасан” гэж, “зөвхөн сонгогдсон” гэснийг “гэрээ байгуулсан” гэж тус тус өөрчлөх.

Санал гаргасан:Ажлын хэсэг

35.Төслийн 37 дугаар зүйлийн гарчгийн “Нэмэлт тэтгэврийн хөрөнгийн хөрөнгө оруулалтын менежментийн компани” гэснийг хасаж, 37.1.1 дэх заалтын “дундаж үнэд” гэснийг “үнэ ханшид” гэж, 37.1.3 дахь заалтын “болон эдийн засгийн харилцаанд” гэснийг “үйл ажиллагааны чиглэлд” гэж тус тус өөрчилж, 37.2 дахь хэсгийг доор дурдсанаар өөрчлөн найруулах:

“37.2.Хөрөнгө оруулалттай холбоотой зөрчил илэрсэн өдөр, хөрөнгө оруулалтын ангилал бүрт хөрөнгийн үнэлгээ хийж тухайн зөрчил илэрснийг тогтоосон өдрөөс хойш гурван сар хүртэл хугацааны дотор энэ хуульд нийцүүлэн хөрөнгө оруулалтын үйл ажиллагаанд өөрчлөлт оруулна.”

Санал гаргасан:Ажлын хэсэг

36.Төслийн 38 дугаар зүйлийн гарчгийн “зөрчигчдөд хүлээлгэх хариуцлага” гэснийг “зөрчигчид авах арга хэмжээ” гэж өөрчилж, 38.1 дэх хэсэг, 38.1.1, 38.1.2, 38.1.3 дахь заалтыг доор дурдсанаар өөрчлөн найруулах:

“38.1.Хороо хөрөнгө оруулалтын менежментийн компани, кастодианд дараах тохиолдолд энэ хууль болон холбогдох хууль тогтоомжид заасан арга хэмжээ авна:

38.1.1.энэ хууль болон бусад хууль тогтоомж, зааварчилгаа зөрчсөн;

38.1.2.эрх бүхий байгууллагаас өгсөн үүрэг даалгаврыг хоёр ба түүнээс дээш удаа зөрчсөн;

38.1.3.энэ хуулиар зөвшөөрөөгүй үйл ажиллагаа эрхэлсэн;"

Санал гаргасан:Ажлын хэсэг

37.Төслийн 38 дугаар зүйлд доор дурдсан агуулгатай 38.1.5, 38.1.6 дахь заалт нэмэх:

“38.1.5.хуульд заасан хугацаанд тайланг ирүүлээгүй, эсхүл худал, зөрүүтэй тайлагнасан;

38.1.6.нэмэлт тэтгэврийн хөтөлбөрийн хөрөнгө оруулалтын үйл ажиллагааг холбогдох хууль тогтоомжийн дагуу явуулаагүй зөрчил илэрсэн.”

Санал гаргасан:Ажлын хэсэг

38.Төслийн “ТАВДУГААР БҮЛЭГ”-ийн нэрний “ХУВИЙН” гэсний өмнө “ГИШҮҮН” гэж нэмэх.

Санал гаргасан:Ажлын хэсэг

39.Төслийн 39 дүгээр зүйлийн 39.10 дахь хэсгийн “гишүүн шилжих,” гэсний дараа “хадгалан үргэлжлүүлэх, дуусгавар болгох” гэж нэмэх.

Санал гаргасан:Ажлын хэсэг

40.Төслийн 41 дүгээр зүйлийн 41.3 дахь хэсгийн “зааж болох” гэснийг “заах” гэж өөрчилж, 41.7 дахь хэсгийг доор дурдсанаар өөрчлөн найруулах:

“41.7.Гишүүн насан туршийн тэтгэвэр авах бол урт хугацааны даатгагчтай гэрээ байгуулна.”

Санал гаргасан:Ажлын хэсэг

41.Төслийн 42 дугаар зүйлийн гарчгийн “нэмэлт тэтгэвэр олгох” гэснийг “хадгалагдсан эрх, хөрөнгийг шилжүүлэх” гэж, 42.3, 42.4 дэх хэсгийн “шилжүүлэх, эсхүл нэг удаагийн тэтгэвэр хэлбэрээр авах сонголт олгоно” гэснийг “шилжүүлнэ.” гэж, 42.5 дахь хэсгийн “тэтгэврийг эрх залгамжлагчид олгоно” гэснийг “хөрөнгийг эрх залгамжлагчийн тэтгэврийн нэрийн дансанд шилжүүлнэ.” гэж, 42.6 дахь хэсгийн “тэтгэврийг даатгалын компанитай байгуулсан гэрээнд тодорхойлсноор олгоно” гэснийг “үлдэгдэл хөрөнгийг даатгалын компанитай байгуулсан гэрээнд тодорхойлсноор түүний тэтгэврийн нэрийн дансанд шилжүүлнэ.” гэж, 42.7 дахь хэсгийн “төлбөрийг өвлөгчид олгоно” гэснийг “үлдэгдэл хөрөнгийг өвлөгчид шилжүүлнэ.” гэж тус тус өөрчлөх.

Санал гаргасан:Ажлын хэсэг

42.Төслийн 44 дүгээр зүйлийн 44.1 дэх хэсгийн “бэлэн бусаар олгоно” гэснийг “бэлэн бусаар шилжүүлнэ” гэж, 44.5 дахь хэсгийн “гомдол шийдвэрлэх” гэснийг “гомдол шийдвэрлэх, үлдэгдэл хөрөнгийг шилжүүлэх” гэж тус тус өөрчлөх.

Санал гаргасан:Ажлын хэсэг

43.Төслийн 45 дугаар зүйлийн 45.1 дэх хэсгийн “үүсгэн байгуулсан” гэснийг хасах.

Санал гаргасан:Ажлын хэсэг

44.Төслийн 46 дугаар зүйлийн 46.1 дэх хэсгийн “Үнэлгээг өдрөөр, эсхүл сараар тооцож гаргана.” гэснийг, 46.2 дахь хэсгийн “тухай бүр”, “гаргаж,” гэснийг тус тус хасах.

Санал гаргасан:Ажлын хэсэг

45.Төслийн 47 дугаар зүйлийн 47.3 дахь хэсгийн “хөрөнгө оруулалтад нөлөөлөх” гэснийг “хөрөнгө оруулалтын шийдвэр гаргах” гэж өөрчилж, мөн хэсгийн “гишүүнд” гэсний дараа “тухай бүр” гэж нэмэх.

Санал гаргасан:Ажлын хэсэг

46.Төслийн 48 дугаар зүйлийн 48.1 дэх хэсгийн “үйлчилгээтэй” гэснийг “үйл ажиллагаатай” гэж өөрчилж, 48.2.3 дахь заалтын “тус тусад нь, мөн ажил олгогчийн төлсөн шимтгэлд холбогдох хадгалагдсан эрхийн мэдээлэл” гэснийг, 48.2.5 дахь заалтын “өвлүүлэх” гэсний дараах “зэрэг” гэснийг тус тус хасах.

Санал гаргасан:Ажлын хэсэг

47.Төслийн 49 дүгээр зүйлийн 49.4 дэх хэсгийн “тэрхүү” гэснийг, 49.8 дахь хэсгийн “аливаа” гэснийг, 49.9 дэх заалтын “үүдэн” гэснийг тус тус хасаж, 49.9.2 дахь заалтын хууль зүйн арга хэмжээ” гэснийг “хууль зүйн туслалцаа” гэж өөрчлөх.

Санал гаргасан:Ажлын хэсэг

48.Төслийн 50 дугаар зүйлийн 50.7 дахь хэсгийн “нэмэлт тэтгэврийн хөрөнгийг гаргуулах, эсхүл бусад арга хэмжээ авахуулахаар” гэснийг хасах.

Санал гаргасан:Ажлын хэсэг

49.Төслийн 52 дугаар зүйлийн 52.2.3 дахь заалтын “хууль зүйн арга хэмжээ” гэснийг “хууль зүйн туслалцаа” гэж өөрчилж, 52.1 дэх хэсгийг доор дурдсанаар өөрчлөн найруулах:

“52.1.Гишүүн, эрх залгамжлагч, өвлөгч, хувийн тэтгэврийн сан, урт хугацааны даатгагч ажил олгогчийн төлөөгүй шимтгэлийг төлүүлэхээр шүүхэд гомдол гаргаж болно.”

Санал гаргасан:Ажлын хэсэг

50.Төслийн 54 дүгээр зүйлийн 54.2 дахь хэсгийн “Цаг хугацаандаа тайлагнаагүй тохиолдолд Хороо холбогдох хууль тогтоомжийн дагуу арга хэмжээ авна.” гэснийг, 54.3 дахь хэсгийн “хариуцлагын” гэснийг тус тус хасах.

Санал гаргасан:Ажлын хэсэг

51.Төслийн 56 дугаар зүйлийн 56.1 дэх хэсгийн “эрх бүхий байгууллагаар” гэснийг “Хороогоор” гэж өөрчлөх.

Санал гаргасан:Ажлын хэсэг

52.Төслийн 58 дугаар зүйлийн 58.1 дэх хэсгийн “нэг жилийн” гэснийг “нэг жил хүртэлх” гэж, 58.2 дахь хэсгийн “ажлын 100 хоногийн дотор” гэснийг “зургаан сар хүртэлх хугацаанд” гэж тус тус өөрчлөх.

Санал гаргасан:Ажлын хэсэг

53.Төслийн 60 дугаар зүйлийн 60.1 дэх хэсгийг доор дурдсанаар өөрчлөн найруулах:

“60.1.Энэ хуулийг 2024 оны 07 дугаар сарын 01-ний өдрөөс эхлэн дагаж мөрдөнө.”

Санал гаргасан:Ажлын хэсэг

54.Төслийн талаарх зарчмын зөрүүтэй саналын томьёолол дэмжигдсэнтэй холбогдуулан төслийн бүтэц, нэр томьёо, хэл найруулга, дэс дараалал, зүйл, заалтын дугаар, ишлэлийг нийцүүлж өөрчлөх.

Санал гаргасан:Ажлын хэсэг

55.Найруулгын санал:

1.Төслийн 9.3 дахь хэсгийн “ба” гэснийг “бөгөөд” гэж, 10.4 дахь хэсгийн “тавин” гэснийг “50” гэж, “хорин” гэснийг “20” гэж, 11.1 дэх хэсгийн “3” гэснийг “гурван” гэж, 27.1.2 дахь заалтын “Төв банкны үнэт цаас” гэснийг “Төв банк /Монголбанк/-ны үнэт цаас” гэж, 34.4 дэх хэсгийн “ба” гэснийг “бөгөөд” гэж, 45.2 дахь хэсгийн “хуулийн” гэснийг “хуульд заасны” гэж, 46.2 дахь хэсгийн “аудитлан” гэснийг “аудит хийж,” гэж, 47.5 дахь хэсгийн “гаргаж” гэснийг “гаргах,” гэж, 50.3 дахь хэсгийн “хоногийн” гэснийг “өдрийн” гэж тус тус өөрчлөх.

Санал гаргасан:Ажлын хэсэг

**ХУВИЙН НЭМЭЛТ ТЭТГЭВРИЙН ТУХАЙ ХУУЛИЙН ТӨСӨЛТЭЙ ХАМТ ӨРГӨН
МЭДҮҮЛСЭН ХУУЛИЙН ТӨСЛҮҮДИЙН ТАЛААРХ ЗАРЧМЫН
ЗӨРҮҮТЭЙ САНАЛЫН ТОМЬЁОЛОЛ**

Хоёр. Нийгмийн бодлогын байнгын хорооны дэмжсэн санал:

**НЭГ.ХУВЬ ХҮНИЙ ОРЛОГЫН АЛБАН ТАТВАРЫН ТУХАЙ ХУУЛЬД НЭМЭЛТ
ОРУУЛАХ ТУХАЙ ХУУЛИЙН ТӨСЛИЙН ТАЛААР:**

1/.Төслийн 1 дүгээр зүйлийн 2 дахь заалтын 25 дугаар зүйлийн “25.7” дахь хэсгийн “хуульд заасны дагуу” гэснийг “хуулийн 41.2.1, 41.2.2-т заасан” гэж өөрчлөх, 2 дугаар зүйлийн 22 дугаар зүйлийн 22.1.1 дэх заалтын “нийгмийн даатгалын” гэснийг “Хувийн нэмэлт тэтгэврийн тухай хуулийн 41.2.1, 41.2.2-т зааснаас бусад” гэж өөрчлөх.

Санал гаргасан:Ажлын хэсэг

---oOo---